

SECTION

4

KYEREWBEA HO
MMARA



OKASA DWUMADI

Twɛ Kyerewbea Ho Mmara

NNIANIM

Saa ɔfa yi kasa fa Akuapem Twɛ kyerebea ho mmara ho. Yebekyerkyere Akuapem Twɛ kyerebea ho mmara a efa edin, adeye, edinnsiananmu ne edin nkyerekyeremu ho mu. Yebedi kan akyerkyere kyerebea ho mmara a efa edin ho mu, na afei yede edinnsiananmu atoa so. Eyinom akyi no, yebekasa afa edin nkyerekyeremu, adeye ne ɔkyerefo ho. Eyi beboa wo ama woahu ɔkwan a yefa so de edin, edinnsiananmu, edin nkyerekyeremu ne ɔkyerefo di dwuma wɔ Akuapem Twɛ kasa mu. Yebetumi de saa kyerebea ho mmara yi adi dwuma wɔ borɔfo kasa mu nso.

Adesua yi beko awiei no, na wutum:

1. Gyina edin ne dinnsiananmu ho mmara so kyere ɔkasamu ahorow.
2. Gyina edin nkyerekyeremu ho mmara so kyere ɔkasamu ahorow.
3. Gyina adeye ne ɔkyerefo ho mmara so kyere ɔkasamu ahorow.

Adwempɔw Ahorow

- Edin di dwuma se ɔyefo, ɔgyefo, edin nkyerekyeremu, ne edin kasasin ti.
- Dinnsiananmu nso di dwuma se ɔyefo ne ɔyɛtia wɔ ɔkasamu mu.
- Edin nkyerekyeremu kyerekyere edin mu. Mpen pii no, etaa ba din a erekyerekyere mu no akyi wɔ Akuapem Twɛ kasa mu.
- Adeye kyerekyere dwumadi ana tebea bi mu. Ghana kasa horow no mu bebiree nni ɔyefo ne adeye ho mmara so. Akuapem Twɛ kasa kyerebea mu no, Yete din ne adeye ntam nanso se adeye no toa dinnsiananmu a eredi dwuma se ɔyefo so a, yekyerew bom.
- ɔkyerekyerefo kyerekyere adeye mu na etumi san kyerekyere ɔkyerefo foforo mu.

ADESUA YI MU NSENTITIRIW

Edin

Yekaa edin ho asem wɔ ɔfa a etwaa mu no mu. Yɛmaa edin ho nhweso ahorow na yekykyɛɛ mu kɔɔ n,akuw ahorow no mu.

Nnwennwenho asemmisa: Wokae edin akuw ahorow no? Kyerew edin akuw ahorow no.

Edin yɛ ahyɛnsode a yɛde ma nnipa, mmeae, mmoa ne nneɛma. Mpen pii no, yɛnya edin biako ana nea ɛboroo saa wɔ ɔkasamu bi mu. Edin tumi nya oyikyere ‘bi’, ‘no’, ana ‘yi’ bata ne ho.

Dinnsiananmu

Dinnsianamu yɛ asemfua a yɛde si edin ananmu sɛ ebia me, wo, ɔno, yɛn, mo, wɔn ne nea ɛkeka ho. Wɔtumi di dwuma sɛ edin kasasin.

Hye no nso: Ghana kasa ahorow mu no Yenni edinnsiananmu a ɛkyere onipa bɔbea. Saa asem yi yɛ nokware wɔ Akuapem Twi kasa mu ana? Wo ne wo yɔnko mpensempensem saa asem yi mu na momfa ho mmuae no nto mo kyerekyerefo anim.

Saa adesua yi mu no, yekasa faa edin ne dinnsiananmu ho mmara ho.

Dwumadi

Hwe saa sini yi na wo ne wo mfefo nkyɛ adwen mfa edin dwumadi ho.

[function of nouns YouTube video - \(https://www.youtube.com/watch?v=rURutv7N_ns\)](https://www.youtube.com/watch?v=rURutv7N_ns)

Afei, momfa mo mmuae no ntoto nea edidi so yi ho:

Edin Dwumadi Ahorow

Edin di dwuma sɛ ɔyɛfo

1. Okwan a yɛfa so de edin di dwuma wɔ ɔkasamu mu da nso wɔ Ghana kasa ahorow no mu ɔkasa ahorow no nyinaa mu no, edin di dwuma sɛ:
 - a. ɔyɛfo wɔ ɔkasamu mu

Ghana kasa ahorow mu no, yetaa hu edin wɔ ɔyefo gyinabea wɔ ɔkasamu mu. etaa ye asemfua a edi ɔkasamu kan wɔ Ghana kasa ahorow a wɔn kasamu di ɔyefo, adeye, ɔyetia kasamu nhyehyee so.

Nhweso:

- i. **Akosua** kɔɔ asɔre.
- ii. **Nhoma** bo ye den.
- iii. **Nimde** ye nkunimdi safoa.

Nhweso ahorow a ɛwɔ soro hɔ mu no, yehu edin **Akosua**, **nhoma** ne **nimde** wɔ ɔyefo gyinabea wɔ ɔkasamu ahorow no mu.

- b. ɔyetia wɔ ɔkasamu mu (ɔyetia anaa ɔgyefo)

Edin san tumi di dwuma sɛ ɔyetia wɔ ɔkasamu mu. Ne dwumadi no tumi ye ɔyetia ana ɔgyefo.

Nhweso:

- i. Yetɔɔ **nhoma** maa Ama. (ɔyetia).
- ii. Yetɔɔ nhoma maa **Ama**. (ɔgyefo).
- iii. Yetɔɔ kyereɔdua maa **Lartebea**. (ɔgyefo)
- iv. Opare tɔɔ **duku** kyee Dansoaa (ɔyetia)
- v. Ofosu de safoa maa **Aboagye**. (ɔgyefo)

- c. Edin nso di dwuma sɛ nkyerekyeremu wɔ Akuapem Twi mu. Eyi ye edin a ekyerekyere edin foforo bi mu.

Nhweso:

- i. **Akomadan** ntoosi no bi ni.
- ii. **Nsawam** paano no asa.
- iii. Wɔtɔɔ **Goaso** borɔde nko ara.

- d. Edin kasasin ti: edin tumi san di dwuma sɛ edin kasasin ti.

Nhweso:

- i. **Kyerɛɔdua** bo aye den.
- ii. **Ɔdan** foforo no mu ye hye.
- iii. **Abofra** bi te ofi hɔ.
- iv. **Dua** ketewa no abu.

Hye no nso: Okwan a yefa so de dinnsiananmu di dwuma wɔ ɔkasamu mu da nso wɔ Ghana kasa ahorow no mu.

Ghana kasa ahorow no, dinnsiananmu di dwuma se:

a. ɔyefo wɔ ɔkasamu mu.

Nhweso:

- i. Mekɔɔ sukuu.
- ii. Dabiara, yɛhwɛ sini.
- iii. Wɔsere kwakwakwa.

b. Dinnsiananmu tumi san di dwuma se ɔyɛtia wɔ ɔkasamu mu (ɔyɛtia anaa ogyefo).

Nhweso:

- i. Kwasi huu **no**. (ɔyɛtia).
- ii. Ama de kyereɔdua maa **wɔn**. (ɔgyefo).
- iii. Anima maa **yɛn** mpaboa bi. (ɔgyefo)
- iv. ɔkyerekyeyɛni no soma **mo** (ɔyɛtia).

c. Bio, Ghana kasa ahorow bi mu no, yekyerew dinnsiananmu a edi dwuma se ɔyefo no ne adeye a etoa ne so no bom se asemfua biako (Se ebia., Ga, Akuapem Twi).

Dwumadi

1. Kyerekyere din mu na ma ho nhweso du anaa nea eboro saa. Wo ne wo mfefo nkae no nkye wo mmuae no.
2. Montena baanu baanu mfa nkyerew edin dwumadi ahorow no. Momfa kuw biako nka mo de no ho na mo mpensempensem dwumadi no mu.
3. Kyerekyere dinnsiananmu na ma ho nhweso du anaa nea eboro saa. Wo ne wo mfefo nkae no nkye wo mmuae no.
 - a. Kenkan abasem a ewɔ fam ho no na momfa nhwehwe edin ne edinnsiananmu ahorow a ewowom.
 - b. Fa edin a wuhui no mu anum ye ɔkasamu mmɔho. Kae se wo ne wo mfefo bekye wo mmuae no.
 - c. Fa dinnsiananmu a wuhui no mu abiɛsa ye ɔkasamu. Kae se wo ne wo mfefo bekye mmuae no.

Nkraman

Wiase nnipa nyinaa nim se, nkraman ye mmoa a yede won gyegye yen ani. Wogu mu ahorow esiane won su, won bobea ne won ahosu nti. Woye mmoa bi a wowo nan anan a wofiri mpataku abusuakuw a na wote wuram no mu. Bere a yen nananom hyee ase yenn mpataku yi de won yee aha no, won ani begyee nnipa ho ma wokaa won ho benn nnipa. Woye mmoa bi a wowo nkatede a wotumi de hu nnipa nneyee te se odo, otan ne ahunahuna na woda ho suban adi kyere nnipa biara senea ne nneyee te peperepe. Ne nyinaa mu no, nkraman ye mmoa bi a wote pampan pa ara. Wosan nso ye mmoa a wote dede ahorow a emfa ho se ano ye den ana eye mmerew. Ade a ema nkraman som bo pa ara ne se, wutumi tete won ma wotumi di dwuma ahorow. Yewo nkraman a wotumi kyere anifurafo kwan da biara ena nkraman a wowo atenka sononko no nso tumi kyekye nnipa a won were aho no were. Wosan tumi de nkraman hwehwe gye afoforo nkwa na wotumi te pampan a mfiri mpo ntumi nte. Nnepa ahorow a nkraman tumi da no adi kyere nnipa yi nyinaa akyi no, won nkwa nna sua a wanyin ara na beye mfe du (10) kosi dunum (15) Won som papa nti nnipa gye nkraman tom se won abusua wo wiase afanaa nyinaa.

Dwumadi

1. Kyerkyere dwuma a nsemfua a yeasan ase no mu biara redi wo okasamu yi mu biara mu. Fa wo mmuae no toto wo mfefo de ho.
 - a. **Adesuafo** a woben no tuu kwan nnera.
 - b. Mede **sika** manee Frempomaa wo Kade.
 - c. Oktyerkyerefo no kyerew **kyerewpon** no mono no so.
 - d. **Wofii** ho ko Navrongo.
 - e. Okwantuni no to paano bre **no**.

MMɔAKYIRI NSEMISA

1. Fa w'ankasa nsemfua kyerekyere edin a edi dwuma se nkyerekyeremu mu. Ma eyi ho nhweso abien na wo ne wo mfefo nkye adwen wo ho.
2. Wo kyerekyerani de abasem a mfomso wowom bema wo. Kenkan abasem a wo kyerekyerani de bema wo no na fa hwehwe mfomso a ewowom no.
3. Kyerekyere dinnsiananmu dwumadi a eye ayetia ne agyefo wo Akuapem Twi mu.

Fa toto akasa foforo bi a wunim ana wobere se wubesua ho.

4. Ma edin a edi dwuma se edin kasasin ti ho nhweso anum wo akasamu mu wo Akuapem Twi mu. Wo ne wo mfefo nkye adwenkyere.
5. Montena baanu baanu na monkyerew akasamu ahorow du a edinnsiananmu a ewowo mu no redi dwuma se ayefo. Fa toto Ghana kasa ahorow no ho na wo ne wo mfefo nkye adwenkyere no.

MMOAKYIRI NSEMMISA NO HO MMUAE

1. Edin a edi dwuma se nkyerkyeremu no ye edin a ekyerkyere ne yonko edin mu. Mpen pii no, saa din a edi dwuma se nkyerkyeremu no ba edin a erekyerkyere mu no anim. Nhweso, Meto **Koforidua** bayere no bi.
2. Mmuae no gyina abasem a wode maae no so. Bisa wo kyerekyerani no ma omfa abasem no ho mmuae mma wo.
3. Mmuae no gyina Ghana kasa ahorow no mu nea woressua no so. Nhweso, ebetumi aba se, edin a eredi dwuma se ogyefo no nnya edin-akyi-sibea. Ebetumi aba se, edin a eredi dwuma se oyetia no nnya edin-akyi-sibea.
4. Edin a edi dwuma se okasasin ti

Nhweso:

- a. Mihuu **dua** tenten no.
 - b. Woton **kaa** dedaw no.
 - c. Okuani no tuu **bayerɛ** mono nnera.
 - d. Ennye se onipa tena **ofi** dedaw mu. (ne nea ekeka ho).
5. Ghana kasa ahorow no bi wo ho a, wokyereɛw dinnsiananmu a eredi dwuma se oyefo ne adeye no bom enna kasa no bi mu nso wo ho a wokyereɛw edinnsiananmu no ne adeye no te ntam. Se ebia, Akan, Ga, Ewe kyereɛw edinnsiananmu a edi dwuma se oyefo no ne adeye a etoa so no bom. Afei, Dagbani, Gurene ne nea ekeka ho no nso nkyereɛw edinnsiananmu a eredi dwuma se oyefo no ne adeye a etoa so no tew ntam.

EXTENDED READING

Fromkin, V. & Rodman, R. & Hyams, N. (2007) Introduction to Language. (Eighth edition) Thomson Wadsworth.

Click on the link below for a video on noun functions in English grammar.

[Noun Functions in English Grammar with Examples](#)

ADESUA YI MU NSENTITIRIW

Woadi kan asua edin nkyerekyeremu ho ade pen. Montena akuwakuw na momfa edin nkyerekyeremu a mo de bekyerekyerε nea edidi so yi biara mu nnye okasamu abiesā abiesā.

- a. Wo suku u dan
- b. W’adamfo pa
- c. Wo sukuu mu
- d. W’abusua

‘*Edin nkyerekyeremu*’ yε asemfua a ekyerekyerε edin mu. Yede edin nkyerekyeremu kyere nnipa ana biribi su anaase yede ntotoho wε nneema abien ana nea eboro saa ntam.

- a. Kwadwo pε ofi **dedaw**.
- b. *Abarimaa no yε teatea tenten*.
- c. Pokua yε **tumtum kyεn** ne nuabarima no.

okasamu (a) mu no, asemfua **dedaw** no rekyerekyerε ofi ko a okasafo no pε. Okasamu (b) mu nso, nsemfua **teatea tenten** kyerekyerε abarimaa no abosu. Okasamu (c) mu no, nsemfua **tumtum kyεn** de Pokua toto ne nuabarima no de ho.

Edin Nkyerekyerεmu Dwumadi Ahorow

okwan a yεfa so de edin nkyerekyerεmu di dwuma wε okasamu mu da nso wε Ghana kasa ahorow no mu.

Edin nkyerekyerεmu wε Akuapem Twi mu:

1. ekyerekyerε edin mu wε okasamu mu.

Nhweso:

- a. Ɔpɔnkɔ **tumtum** no tu mmirika kyεn apɔnkɔ nkaε no.
- b. Mihuu efie kese bi.

2. Edin nkyerekyerεmu no bae wε din a ekyerekyerε mu no akyi pεε.

Nhweso:

- a. Akuapem Twi mu no, Efie **tuntum** no abu.
- b. Ɔbea tumtum bi aba ha.

Woasan asua edin nkyerɛkyerɛmu ahorow ho ade wɔ adesua a atwam no mu ho nhweso no bi na ɛwɔ fam hɔ no:

Wode **oyikyerɛ nkyerɛkyerɛmu** reye ɔkasamu ahorow

- a. Kaa *yi* ye mono.
- b. Ofi *no* ye me papa de.

Wode **ntotoho nkyerɛkyerɛmu** reye ɔkasamu ahorow

- a. Borɔde bo ye *den kyen* bankye.
- b. Wo sika ye *bebree kyen* ne de no.

Wode akontabude nkyerɛkyerɛmu ye ɔkasamu ahorow

- a. Metɔɔ *akutu* akron.
- b. Nhoma *bebree* wɔ adaka no mu.

Wode sukyere nkyerɛkyerɛmu reye ɔkasamu ahorow

- a. Kaa no ye *dedaw*
- b. Aduan no ye *dɛ*.

Dwumadi 1

1. Hwe edin nkyerɛkyerɛmu du a ɛwɔ fam hɔ no. Fa ye ɔkasamu ahorow. Se wubetumi a, bɔ mmɔden fa ye ɔkasamu mmɔho ana kuntann.
 - a. nwanwa
 - b. anihaw
 - c. abufu
 - d. tete
 - e. kese
 - f. papa
 - g. hyenhyen
 - h. anika
 - i. dedaw
 - j. dennen
2. Afei, wo ne wo nyɔnko nnye mpensempensemu mfa ɔkasamu ahorow no nhyehyee ho. Den na muhu? Kae se mo ne asuafo nkae no bekye adwen afa mo mmuae no ho.

Dwumadi 2

1. Kyerew edin nkyerɛkyeremu ho nhweso du.
2. Fa nhweso no mu anum ye okasamu a edidi so yi mu biara ho nhweso.
 - a. Okasamu tiawa
 - b. Okasamu mmɔho
 - c. Okasamu kuntann
3. Gyina wo nhweso no so na pensempensem mmara a efa edin nkyerɛkyeremu ho wo Akuapem Twi mu no mu.

MMOAKYIRI NSEMMISA

1. Kenkan abasem yi na fa hwewwe edin nkyerekyeremu du a ewom.

Nnipa be bree na ahu nsunsuanso a yen nneyee renya wo yen atenae so. E se se yema yen atenae ho bammɔ ohia yen pa ara kyen biribiara. Nanso, nnipa kakra bi na wɔwɔ nimde wɔ akwan a yefa so bɔ yen atenae ho ban ho. Enam emfa-me- ho su a ewɔ yen mu no so re ma yen atenae no sɛe da biara. Nhweso, nwura a yetoto gu basabasa, galamsee ne nnua bubu basabasa ne nea ekeka ho. Se yeannyaee saa nneyee bɔne yi a, bere bi beba a, nkyirimma bedi amia wo yen nneyee bɔne ho nsunsuanso mu. E ye me ne wo asede se yebeye yen afam de abɔ yen atenae no ho ban. E ye yen asodi kɛse se yede nhyehyee papa begu akwan mu de abɔ ɔdomankoma agyapade a ɔde ama yen no ho ban. Yen nneyee bɔne so nsunsuanso wo yen atenae so no mu bi ne nsuyiri, nnɔbae a yentumi nnya no dodow ne nea ekeka ho.

2. Fa edin nkyerekyeremu a woahu no ye akasamu kuntann ahorow du.

MMƆAKYIRI NSEMISA NO HO MMUAE

1. Edin nkyerekyeremu a ewɔ abasem a ewɔ soro no mu:
 - a. bebree
 - b. kakra
 - c. bi
 - d. emfa-me-ho
 - e. Bɔne
 - f. Kɛse
 - g. papa
 - h. saa
2. Fa edin nkyerekyeremu a wuhui no ye ɔkasamu kuntann ahorow du. Eho nhweso no bi na edidi so yi.
 - a. Papa Poku wɔ sika **bebree**.
 - b. Atennidi ye suban **bɔne**.

EXTENDED READING

1. Adomako, K., Odoom, J. and Sackitey, M. (2023). *Akan kasa nhyehyɛɛ wɔ Asante Twi mu*. Adonai Publications Limited (Topic on verbs, nouns and adjectives)
2. Amegashie, S.K. (2004). *Evegbe ɲɲlɔ*. Afiao: Victus Printing Services, Market Square
3. Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)
4. Joshi, M. (2021). *Nouns in the English Language: Types and examples*. Manik Joshi. (Topic on nouns)
5. Thakur, D. (1998). *Linguistics simplified: Syntax*. Delhi: Bharati Bhawan. (open word class which are nouns adjectives, verbs and adverbs)

ADESUA NO MU NSENTITIRIW

Se wode adeye ne okyerεfo reye okasamu wε Ghana kasa ahorow mu no gyina mmara ahorow so. Saa mmara ahorow yi boa ma okasamu no mu da hε, na enam so ma okenkanfo no nya emu ntease a εfata. Se wode kyere wbea ho mmara no di dwuma wε Ghana kasa ahorow no mu a, εboa ma yetumi kyere okasamu a emu da hε fann wε okasa a woressua no mu.

Adeye

Ansa na yεbekε adeye ho mmara so no, ma yenkaekae yen ho mfa adeye asekyere ho. Hwe nhweso a εwε fam hε no. Nsemfua a wεayeye no tuntumm no nyinaa ye adeye.

1. Okuafo no **dεw** nsaase no so afe biara.
2. Mmofra no **nantew** kε sukuu Fida biara.
3. **Yεhuruwhuruw** anεpa biara de tenetene yen apεw mu.

Adeye ye asemfua, nsemfua ana okasasin a εkyere dwumadi a erekε so ana tebea a biribi wε mu. Adeye taa di nkasae anim wε okasamu mu. Ne tiaatwa mu no adeye taa ye nkasae ti wε okasamu mu.

Okwan a yεfa so de adeye di dwuma wε okasamu mu

Okwan a yεfa so de adeye di dwuma wε okasamu mu da nso wε Ghana kasa ahorow mu. Mmara no mu bi na edidi so yi:

1. Adeye kyere dwuma a εyεfo bi redi wε okasamu mu.

Nhweso:

- a. Okraman no **po** wε okwan no ano.

Okasamu yi mu no, adeye **po** no kyere ade a εyεfo (okraman no) reye wε kwan no ano,

- b. Adesuafo no **nantew** kε sukuu anεpa biara.

Okasamu yi mu no, adeye **nantew** no kyere εyεfo (adesuafo no) no anεpa biara.

2. Adeye kyere su a εyεfo no wom wε okasamu no mu.

Nhweso:

- a. Amoako **so** pa ara.

Ɔkasamu yi mu no, adeye **so** no kyere su ana tebea a ɔyefo (Amoako) wɔ mu.

3. Adeye tumi ye nkasae ti wɔ ɔkasamu mu.

Nhweso:

- a. Kaa no **tu** mmirika dodo.

Ɔkasamu yi mu no, adeye **tu** na eye nkasae ‘tu mmirika dodo’ no ti.

- b. Adesuafo **nantew kɔ** sukuu anɔpa biara.

Ɔkasamu yi mu nso no, adeye ‘nantew kɔ’ na eye nkasae ‘nantew kɔ sukuu anɔpa biara’ no ti.

4. Akuapem Twi mu no, dinnsiananmu a eredi dwuma se ɔyefo na adeye toa so pɛe a, yekyerew bom. Se ebia:

- a. **Yedi** fufu da biara.

Ɔkasamu yi mu no, yekyerew ɔyefo dinnsiananmu ‘**Yɛn**’ ne adeye ‘**di**’ bom se asemfua biako ‘**Yedi**’

- b. **Wɔtɔ** apɔnkye bi anadwo no.

Ɔkasamu yi mu nso, yekyerew ɔyefo dinnsiananmu ‘**Wɔn**’ ne adeye ‘**tɔ**’ bom se asemfua biako ‘**Wɔtɔ**’.

Dwumadi 1

Fa w’ankasa nsemfua kyerekyere adeye mu. Ma adeye ho nhweso du.

Dwumadi 2

Fa wo nhweso a ɛwɔ Dwumadi 1 no mu biara ye ɔkasamu a edidi so yi mu biara ho nhweso anum anum .

- a. Ɔkasamu tiawa
- b. Ɔkasamu mmɔho
- c. Ɔkasamu kuntann.

Dwumadi 3

1. Hwe adeye ahorow du a ewo fam ho no. Fa ne nyinaa mu biara ye okasamu tiawa. Se wubetumi a, fa ne nyinaa mu biara nso ye okasamu mmoho ne okasamu kuntann.
 - a. team
 - b. soa
 - c. dow
 - d. hua
 - e. beye
 - f. watri
 - g. sua
 - h. kyiri
 - i. te
 - j. home

Afei, wo ne wo yonko mpensempensem okasamu ahorow a wakerew no nhyehyee no mu. So mmuae no ne kyerewbea mmara a woasua no ko pe ana? Wo ne wo mfefo nkye adwen mfa wo mmuae no ho.

Dwumadi 4

- a. Kyerekyere adeye ahorow a woasua wo saa adesua yi mu no mu.
- b. Kyerew adeye a woasua no ho nhweso anum anum na fa emu biara ye okasamu.

Montena akuwakuw na monkyerekyere okwan a yefa so de adeye ye okasamu no mu. Nhweso:

- a. Bere a dinnsiananmu di dwuma se oyefo.
- b. Bere a dinnsiananmu di dwuma se oyetia.

Okyerfo

Yeasua mmara efa okwan a yefa so de adeye ye okasamu. Afei, momma yenhwe mmara a efa okwan a yefa so de okyerfo ye okasamu.

Wokae okyerfo dwumadi?

Ɔkyerefo ye asemfua ana Ɔkyerefo kasasin a ɛkyerekyere adeye mu ana Ɔkyerefo foforo a egyina ho ma beae, bere, anoɔden ne nea ekeka ho. Ɔkyere ho nhweso ana wɔde adi dwuma wɔ ɔkasamu ahorow a edidi so yi mu no:

1. Wɔbaa **ha**. (beae kyerefo)
2. Adu ne Asare baa ha **anɔpa nnɔnson**. (bere)
3. Abeawa no yee ɔpanyin no **defedefe**. (anoɔden)

Ɔkyerefo a ɛwowɔ ɔkasamu a ɛwɔ soro ho no mu ne nonom ne **ha**, **anɔpa nnɔnson** ne **defedefe**.

Ɔkyerefo Dwunmadi

Ɔkwan a yefa so de Ɔkyerefo di dwuma wɔ ɔkasamu mu da nso wɔ Ghana kasa ahorow no mu.

Mmara no mu bi na edidi so yi:

1. Ɔkyerefo tumi di dwuma se Ɔkyerefo kasasin ti.

Nhweso:

- a. Mmarima no kasa **dodo pa ara**.
- b. Agoru kɔɔ awiei **ntemso**.

Ɔkyerefo **dodo** ne **ntemso** di dwuma se Ɔkyerefo kasasin, wɔ bere koro no ara mu no, edi dwuma se Ɔkyerefo kasasin no ti.

2. Wɔtumi nso kyerekyere Ɔkyerefo foforo mu.

Nhweso:

- a. Abofra kasa ntemntem **pa ara**.
- b. Ɔkraman no didi dodo **se**.

Ɔkasamu ahorow a ɛwɔ soro ho no mu no, Ɔkyerefo pa ara kyerekyere Ɔkyerefo ntemntem mu, saa ara nso na Ɔkyerefo se nso kyerekyere Ɔkyerefo **dodow** mu.

Dwumadi 1

- a. Monkyerekyere Ɔkyerefo mu wɔ mo kuw no mu na mo ne afoforo nkye mo mmuae no.
- b. Kyere Ɔkyerefo ho nhweso du wɔ Akuapem Twi mu.

Dwumadi 2

Fa okyerefo ho nhweso a ewo (a) ho no mu biara ye okasamu anum anum ma okasamu ahorow a edidi so no mu biara:

- a. Okasamu tiawa
- b. Okasamu mmoho
- c. Okasamu kuntann

Dwumadi 3

1. Hwe okyerefo ahorow du a ewo fam ho no. Fa mu biara ye okasamu. Se wubetumi a, bo mmoden san fa ye okasamu mmoho ana okasamu kuntann

- a. Breoo
- b. Nne
- c. Ha
- d. Mprensa
- e. Ntemntem
- f. Okyena
- g. Adiwo
- h. Pa ara
- i. Dodo
- i. Seesei

Afei, wo ne wo yonko mpensempensem okasamu ahorow a woakyerew no nhyehyee. Wo mmuae no ne kyerewbea ho mmara a woasua no ko pe ana? Wo ne wo mfefo nkye adwen mfa wo mmuae no ho.

MMƆAKYIRI NSEMISA

1. Kenkan abasem a ewɔ fam hɔ no na fa hwehwɛ **adeyɛ ne ɔkyerɛfo** ahorow a ewowom.

Bere a wɔwɛe wɔn adwuma no ntemso no, wɔtoo wɔn bo ase hwehwɛe wɔn adwuma no mu yie pa ara de hwɛe sɛ biribiara deda ne kwan mu. Wɔde wɔn adwuma no kɔ ma wɔn kyerekyerɛni no akokoduruso esiane sɛ na wɔnim pefee sɛ wɔayɛ wɔn afa mu de. Ɔkyerekyerɛni no too ne bo ase hwehwɛe wɔn adwuma no mu yie bɔɔ ne tiri nko mpɛn pii de kyere sɛ adesuafo no ayɛ adwuma no yie pa ara. Adesuafo no ani gyee mmoroso efise wɔhɛu sɛ wɔde wɔn adwuma no akɔ awiei pa.

Fa adeyɛ ne ɔkyerɛfo a wuhuu no wɔ abasem no mu no na gyina nimde a woanya fa adeyɛ ne ɔkyerɛfo ho no so fa yɛ ɔkasamu ahorow anum.

MMƆAKYIRI NSEMISA NO HO MMUAE

adeye--- wiei, too, hwehwɛɛ, deda, de, kɔmaa, nim, ayɛ, bɔɔ, kyereɛ, gyee, huu, akɔ.

ɔkyerɛfo--- ntɛmso, yie, pa ara, akokoduruso, pefee, mpɛn pii, mmoroso, pa.

Gyina abasem a woakenkan no so na ye ɔkasamu ahorow.

EXTENDED READING

Owu-Ewie C. (2020). *Mfantse kasa ngyegyee na kasa mbra ho adzesua buukuu ma nsowdo skuul esuafo*. Shine Prints Company Limited.

Ago, S.A. (1992). *Agoo*. Ghana Publishing Company.

Amartey A.A. (1966). *Omanye aba*. Bureau of Ghana Languages.

REFERENCES

Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4

Lier, E. V. (2024). *The Oxford handbook of word classes (oxford handbook)*. Oxford University Press.

Miguel, J., M. G. (2015). *Transitivity and word classes*. <https://doi.org/10.1075/ivitra.9.13gar>

Prempeh, A. A. (2021). *Asante Twi Nyansapɔ*. Premesco Publications.

Simone, R. & Masini, F. (eds). (2014). *Word classes (Current issues in linguistic theory)*. John Benjamins Publishing Company.

ACKNOWLEDGEMENTS



Ghana Education Service (GES)

